

Na osnovu člana 69. 70. i 71, Zakona o javnim nabavkama (SG BiH br: 39/14) te na osnovu preporuke Komisije za javne nabavke, a po provedenom postupku za nabavku radova putem otvorenog postupka, Rukovodilac službe - Pomoćnik gradonačelnika za Službu za komunalne poslove, izgradnju i poslove mjesnih zajednica donosi:

ODLUKU o poništenju postupka javne nabavke

Član 1.

Poništava se otvoreni postupak javne nabavke radova: **Izgradnja pješačko - biciklističke staze uz rijeku Jalu, na dionici Sjenjak – hotel Tuzla.**

Član 2.

Ova odluka se dostavlja svim ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama.

Član 3.

Ova odluka objavit će se na web stranici ugovornog organa istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

Član 4.

Ova odluka stupa na snagu danom donošenja.

Obrazloženje

Ugovorni organ je na osnovu Obavještenja o nabavci broj: 1004-1-3-43-3-28/15, objavljenog na Portalu javnih nabavki dana 14.04.2016 godine i u „Službenom glasniku BiH“ broj 29/2016 od 22.04.2016 godine i Ispravke obavještenja o nabavci br.1004-1-3-43-8-31/16 na Portalu JN dana 29.04.2016 godine i u „Službenom glasniku BiH“ broj 33/2016 od 06.05.2016 godine za nabavku: Izgradnja pješačko - biciklističke staze uz rijeku Jalu, na dionici Sjenjak – hotel Tuzla, proveo otvoreni postupak javne nabavke.

Postupak nabavke provela je Komisija za javne nabavke imenovana Rješenjem br. 05-14-2622/16 od 14.04.2016 godine.

U toku postupka javne nabavke Komisija je zaprimila pristigle ponude, izvršila njihovo otvaranje, te pregled i ocjenu ponuda prema zahtjevima i kriterijima iz tenderske dokumentacije.

U postupku javne nabavke utvrđeno je sljedeće:

- da je ukupan broj pristiglih ponuda 3 (tri);
- da je blagovremeno zaprimljeno 3 (tri) ponude;
- da nije bilo neblagovremenih ponuda;
- da je broj prihvatljivih ponuda 1 (jedna);
- da je broj neprihvatljivih ponuda 2 (dvije).

S obzirom da je cijena prihvatljive ponude znatno veća od osiguranih sredstava za predmetnu nabavku, a da ne postoji mogućnost obezbjeđenja dodatnih sredstava sa druge pozicije budžetskih prihoda, Ugovorni organ smatra da su ispunjeni uslovi iz člana 69. stav (2) tačka e) Zakona o javnim nabavkama BiH za poništavanje postupka javne nabavke.

Na osnovu prijedloga Komisije, ugovorni organ donio je odluku kao u dispozitivu.
Pouka o pravnom lijeku

Protiv ove Odluke može se izjaviti žalba, najkasnije u roku od 10 (deset) dana od dana prijema ove Odluke.

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
GRAD TUZLA
Služba za komunalne poslove, izgradnju
i poslove mjesnih zajednica

RUKOVODILAC SLUŽBE
POMOĆNIK GRADONAČELNIKA

Kurević Kemal, dipl.ing.maš.

Broj: 05-14-2622/16
Tuzla, 16.05.2016. god.